

海錯百一錄

閩海濱人於海族有終身未見未聞者飛潛動植陸之所產海多有之稍異其狀而大焉狀同矣而名異名與狀皆同而作用又異蓋水有鹹淡之殊復有潮汐往來清濁溷雜之別網罟弗及得盡其天年前後數千載海族將愈不可量矣說者遂因而無稽之蒼海濱人以數十年所見者證之老漁老漁所見者粗細必記不厭其鄙又以老漁所聞者證之諸書諸書同亦錄之存其名備其說使音與義合其因音訛而訓背者皆從刪閩惟福州福甯音同其他彼此行越宿則喁喁然不知所謂

海錯百一錄序

豈但浙粵人不辨閩語閩人且不辨閩語故一物恆數
名一物且數志有見其物不知其名有詢其名忽悟其
物記載之書如三山志八閩通志閩書或紀全閩或紀
一郡焉能獨詳物產即王世懋閩部疏屠本峻海錯疏
非閩人又焉能盡通閩產且講求筆法俚鄙之言不入
摭撫故其為書亦復有限且習者多同異者各別否則
異者愈異而習者忽矣古人多識於鳥獸草木之名曰
多識則不拘細大矣周禮覆夭鳥之巢驅水蟲去鼃黽
焚牡鞠若於政體無關紀其大不遺其細者乃備物致

用於無極之意也凡物命名之始必有取義義之從同者眾乃共稱久之舍其義以叶音求其雅以免俗眾人所共知共聞者書不之載所不知不聞者乃鑿鑿焉就一人口舌之好而稱美之因其物氣味之偏而抑置之援引多端覽者莫得確據而於物類之性烹調之法則闕焉閱者復何所取蒼少壯時覺海物壓市近粵人設食館烹鮮則取其豐腴而棄其咀嚼貨者多歸焉城市不得美品瀕海各灣輪舟來往轟擊不甯小魚且遠遁漁利不及昔時十之二三矣池館深寂錄成五卷記漁

記魚記介記殼石記蟲記鹽記菜皆以閩語為目而釋之末附記海鳥海獸海草雖稍違海錯之例然亦不越閩海以求博異閒有以他事隨筆附入者欲以一知半解告人，不免畫蛇添足之誚云爾

光緒丙戌秋日郭柏蒼序於閩山柳湄小榭

海錯百一錄目錄

卷一 記漁 記魚

漁船名目 礮 繃 網 急網 縹 緝 罩

釣 步取

海鰕 鯊魚 鮓仔 黃花魚 附黃鮓 橫排 畫 鯨魚

鰩子 鮠魚 附黃鰩 鰩魚 牛魚 鰻魚 鮓魚

附鰩 海鯢 黃魚 附紫鰩 比目魚 附側目魚 側

鰈沙 附鰈 鰻 鯢 附硬尾鰻 白麻鰻 淡鰻 熟魚

青鯪 過臘 附赤鰩 烏頰魚 黃鰭魚 黃多魚

方頭魚 鮪魚 黃炙魚 毒魚 白澤魚 黃爵

魚 斑車魚 訓鮪魚 麻蝨目 魴魚 海鰕

海鱸 海鮐 附漸 海鯽 海鰻 鮐魚 鮓魚

鮓魚 烏魚 鮐 附鮓魚 寒 紫 蚨蝶魚 旗

魚 鰓魚 鰩魚 念鰭 鹿角魚 鸚哥魚 龍

占魚 印魚 連刺魚 刺魚

海錯百一錄卷一

侯官郭柏蒼葉秋輯

記漁

漁船名目

海人討海之船

以漁為生者名討海

名目不一曰竹

編網船曰旋編船曰竹編船曰拖釣網船曰手搖

釣船漁者各有其技各乘其船各取其魚非一船能

取諸魚也

江河之魚春夏浮而遡流秋冬沒而順流有鱗之魚好遡流海水渚而不動故漁者

視風為度惟惡魚不避風潮

礮 砌石海旁而曲折之而玲瓏之曰礮亦曰扈潮退

礎乾發發然揀入籃筐旦旦不竭也又有名杆插扈者以竹作扈爾雅樛謂之湔今海濱以雜木亂植使魚息而取之即爾雅注所謂櫓也陸龜蒙漁具詠序列竹於海濱曰滬是矣

郭繹礎二字見郭藥村詞譜

又有名竹箔者

其狀如簾使魚為水所止不得脫

繻 大網也大者高二丈許廣百餘丈搗荔支木或龍

眼木煮汁染之不濡易晾大網值數十金攷字書無

繻字海鄉質庫質者皆作繻下繻之法延袤豎竹杠

視繻懸搖動

懸繻上浮木也

則水滿而魚入矣以舩船小打鑼

魚聞鐸聲匿罾中收罾而魚得矣又有乘小艇時收時放者名曰罾陸龜蒙詩雖然煩取舍未肯求津要
是也

網 網製不一名亦各異曰牽絲運網曰沿岸撒網曰
拖沙連網曰方網曰插竹木繫網曰網斗曰扞揪小
網漁人之技不同故所用之具亦異

急網 以破縵裁成高尺餘橫圍數丈兩端綴繩眾人
分執沿淺流曳之疾走掩其不備傍岸拾取

縵 縛魚網也似簾以小艇黑夜流縵於海中吞舟之

魚一人可縛

緝 小罟也沈海渚淺水中別用長繩屬草幡其腹作水鳥騫騫狀以蚶殼定之半沉自遠而近沿渚有聲魚見影聞聲驚遁緝中亦有以緝曳而撞之名撞緝罩 從高而下取魚之具爾雅簞謂之罩注捕魚籠也以竹為之曰沿岸攀罩以繩起伏取之曰手罩隨手羅之

釣 放釣之法截竹為筒縋索索閒橫懸釣絲或百或數十相距各二尺許先用竹籬布釣理蚬其中或蚯

蚓或蜎斗或帶魚尾投其所好也亦名浮釣與手釣異手釣以蜎獨釣也

步取 即捕魚也沿流步而取之潮退隨緝者亦稱步取

記魚

海鰕

俗字作鰕

海魚之最大而性惡者

有鰕得小海鰕者色黑掘健鰕中

水經注海鰕魚長數千里穴居海底入穴則海水為潮出穴則潮退嶺海異聞海鰕長者亘百餘里牡蠣聚族其背曠歲之積崇十許丈鰕負以游鰕背平水

即牡蠣峙屹如水面山矣舶猝遇之如當其首輒震以銃砲鰲驚徐徐而沒猶漩渦數里舶顛頓久之乃定人始有更生之賀蓋觀甚奇而災甚切也南部新書載廣州有魚行海面經歲始竟首尾當亦鰲屬海東北記海翁魚即海鰲也大者三四千斤皮生沙石刀箭不入鹿耳門沙岸有自殭者肉粗不可食人割取其膏資燃釭馬或言口中噴涎常自為吞吐有遺於海濱者黑色淺黃色不一即龍涎香也聞上淡水有之云可止心痛助真氣欲辨真贋研入水攪之浮

水面如膏以口沫撚成丸擲案有聲噙之通宵不耗

分毫者為真

周亮工書影龍涎香真者雨中焚之輒爆有聲以此為驗京師一老中貴為

言每兩值數十金豔其名者每於臺是徵然此地實

罕有仍購諸洋估所販者無益之物為累如此

節錄嶺海

續聞南巫里洋之中有龍涎與當春明景和羣龍來集於上交戲而遺涎沫夷人採之歸市番舶其香若

脂膠黑黃色聞之頗覺魚腥能收斂腦麝清氣雖經數十年不變以少許和香焚之凝結不散蒼曾祖乾

隆間從粵東購買一塊正與嶺海續聞相合惟其中瑣瑣通氣敲少許焚之又從壚底取出屢焚則色黑

節錄閩大記海鰭最巨能吞舟日中閃鬣鬣若簸朱

旗道健好動故名鰭閩中海鰭疏海鰭噴沫飛灑成

雨其來也形如山嶽乍出乍沒三山志云舟人遇之
必鳴金鼓以怖之布鹽米以厭之鰯則倏然而沒不
然則害舟閒有斃者土人梯而嚮之剗其脂為油可
灰船和灰船也蒼聞興化湄州界外前百年天后誕時
每有海鰻閣沙與閒土人以巨木搯其齒以火灰糝
其舌數十百人荷擔執刃剗取其腦以祭煎其膏燃
缸鰻若無關痛癢六時潮滿乘流而逝海上大魚過
能蔽日晝見星斗亦名筴日見書影

鯊魚 即海鯊胎生福州呼鮓鯊青目赤頰背上有鬣

腹下有翅四時皆有南風乃盛種類極多宜為膾或

切絲和肉絲拌薑醋再取其湯切芥藍菜為羹亦美

品海族志云以其皮如沙故名種不一有胡鯊青色

背上有沙大者長丈餘小者三五尺鼻如鋸

蒼按亦有上唇

長三四尺齒如鋸者

皮可縷為膾薨以為脩可充方物

蒼按即鯊

鯊

似鯊而鼻長皮可飾劍靶

蒼按海有毒魚皮作磋尤利

俗呼

錦鯢

蒼按鯊青斑身長錦紅乃黃鯢詳錦鯢條下

劍鯊尾長似劍

嶺海鯊

有變為虎者具見前說又有一種劍鯊俗呼為鋸鯊云其大者鼻衝長丈餘闊尺許黃黑色其直似劍其旁排列戟刺捷業如鋸齒然力能破舟裂網橫行海中羣魚遠避稍不及即磔而食之莫敢撓其衝也

虎鯊

頭凹而身有虎文

蒼按能噬人手足

鮪鯊

頭如狗頭

按蒼

頭大上有烏赤點

黃鯊

好食百魚大者五六百觔

時鯊

有肉

無腹大者剝其肉多油可啖可燃

蒼按身肉尾長似蝦即油鯊

帽

紗鯊雨邊有皮如帶帽

出入鯊

初生隨母浮遊有警

從母口中入腹須臾復出

蒼按鯊初生皆出入母腹如雛之隨母稍長自散俗

呼阿娘魚裨海紀遊云鯊魚胎生市得一魚可四五斤用佐午炊庖人剖腹一小魚從中躍出更得五六

頭投水中皆遊去吳錄鰭魚子生後朝出索食

吹鯊

大如指狹圓而長身有黑點嘗張口吹沙味甚美

按蒼

所云吹沙即詩鰭鰭之鰭非海鰭也詳卷二跳魚條下

秦王鯊

蒼按秦王鯊有甲如貝殆因諸

書多載其事
因附會名之
蒼從海邑所見尚有烏翅鯊口闊即烏

鰭鯊頰尾皆黑雙髻鯊頭如木拐圓頭鯊能食人犁

頭鯊頭如犁鼠蟾鯊皮白齒如梳蛤婆鯊泉州呼夾

鯊口闊尾尖泥鰍鯊口尖龍文鯊皮上有黑點白圈

扁鯊烏鯊黃鯊白鯊淡鯊大鯊其最美者乃龍文鯊

其翅尤美即對翅也最下者曰乞食鯊肉粗皮可飾

鞘凡鯊以肉白而紫紋少者為上味惡而紫紋多者

統呼彭鯊斯下矣六書故曰鯊魚大者伐之盈舟蒼

見海村以鯊魚脊節為白不止盈舟也出水時不辨

種類不論大小皆臭同溲溺煨土中亘晝夜乃發而
貨於市切為膾勝他魚而遜於鰻與鱗盛暑經兩日
不姻磨其皮染以石錄飾鏡囊劍牘其鬣即魚翅腹
下之翅名對翅鯊魚大者三月末於沙岸曝髻亂滾
即變為鹿其肉作脯味仍如鯊虎鯊則變虎薨之亦
鯊味閩書鯊魚一名鮫一名鰻一名鰓圖經
曰鯊魚今南人但謂之鯊

鮫仔 鯊魚類也亦胎生四足皮淡紅長二三尺不等
孕者剖其胎胎中又有胎春末至秋初皆有之為膾

易成氣惡勿多食

黃花魚

即鰻也

遇齋間覽石首魚頭上有石可治為器載飲食如遇蟲毒器必爆裂者非

是口紅鱗黃頭大而無腦二石相並如齒者即腦也

秋冬黃盛者肥美用釣者名驚釣黃花為膾宜麤不

宜精爾雅異名鰻頭大尾小無大小腦中俱有兩小

石如玉鰻可為膠鱗黃璀璨可愛一名金鱗朱口厚

肉極清爽不作腥蒼按閩中或呼黃瓜

瓜花音之謠

又有

朱口細鱗長五六寸亦名小黃瓜一名黃鰻

三山志作黃魚

即黃鰻釘與黃花魚異

稍大者名畫鰻黃花風日烈則曝為養

本草乾者名養魚亦作鱣李時珍曰養能養人人恆想之故字從養羅願云諸魚薨乾者皆為養其美不及石首故獨得專稱以白者佳故呼白養若露風則

變紅色失味也

養久即黝獨黃花變紅康熙字典引吳地記閩閩入海會風浪糧絕不得

渡王拜禱見金色魚逼而來吳軍取食及歸會羣臣思海中所食魚所司云暴乾矣索食之甚美因書美

下著魚為養字

又一種小於黃花色淡黃者春夏之交遇南

風排山而至數里外喀喀然其聲震天施大緹數十人登岸曳之魚多人力不及則魚緹並沉急割緹而棄其半每緹恆數千尾名曰橫攤排言其如木排之

橫攤而至也其魚視驚釣者多遜矣此魚之赴刳而

至也其理不可解

或云洋山魚能鳴網師以長竹筒插水聽之聞其鳴則下網即指此

鯨魚

似黃花魚而差大鱗細其首亦兩齒相並如石

斫為膾宜麤與黃花魚畧同按古無鯨字今海人呼

敏音八閩通志閩中海錯疏俱作鯨

集韻鯨音愍海魚名也

鯨身類鱸石首口闊肉粗腦骨脆而味美大者長丈許重百餘斤四明謠云甯可棄我三畝稻不可棄我

鯨魚腦四明所稱鯨魚疑即閩耳釣鯨魚者釣之倒刺海之鯨魚但鯨魚小於鯨魚耳

在前釣黃花者釣之倒刺在後謠曰鯨魚好進又不

進黃花好退又不退言鯨魚進黃花退皆可脫釣而

遁魚癖不同鈎與蚌亦各異

鰩子 似黃花魚而色黯似鯨魚而口尖殆黃花鯨魚
相感而生者故名鰩子味遜於鯨

鰩魚 似鰩而鱗特小白皮細者肉嫩曰斗底皮厚
者肉粗曰蓮房小者曰子鰩味饕集韻鰩鰩魚名正
字通鰩生南海似鰩頭上突起連背身圓肉厚只一
脊骨軟可食閩中海錯疏鱗板身口小項縮肥腴少
鰩小者形扁曰鰩又小者形圓曰斗底又黃蠟樟亦
鰩也鱗金點而差厚小者名曰鰩鰩以其好交羣魚

若娼然故名又曰鰓遊羣魚隨之食其涎沫有類於
娼又曰昌美也又有鎗魚身扁色紫無鱗以其首銳
腹廣細如鏢鎗故名海錯疏以鰓魚為鰓魚按鰓魚
有黑白二種尾如燕形扁而闊集韻鱣鱠魚名集韻
分鰓鱣鱣為二魚則鰓非鱣明矣蒼按凡魚孕子
者魚男感氣追逐爭啖其子鰓魚帶子時一鱣所得
多牡魚是知其雜羣牡曰鰓者賤之也

牛魚 北方名鮪南方為鰓海產者背長鱗鰓頭有胞
骨重百斤小者七八尺綱目云南海有牛魚重三四

百斤又本草載牛魚無毒主治六畜疾疫作乾脯為引以水和灌鼻即出黃涕亦可置病牛處令氣相熏

閩書牛魚尾如牛尾味美在肝俗呼鯀魚口在腹下無鱗軟骨紫黑色尾長於身毒能螫人閩書誤以鯀魚為牛魚以其尾似牛尾也臺灣志牛魚狀如牛尾無鱗身直如條黑色則又非鯀魚矣

伯牙

海上鼓琴鯀魚出聽是也博物志所云牛魚目似魚形如犢子剥皮懸之潮水至則毛起去則毛伏乃海牛產外洋與此異

鯀魚 產臺灣海東札記俗呼海豎頭似豬大者千餘斤小亦五六百斤常於海面躍起高丈餘噴水為雪

漁人見之輒避福州興化亦產

鮓魚 皆產於鹹淡水又有似鮓魚而鱗小者曰鰲魚
又名青鰲亦名青鱗冬月得者味腴

海鯉 嶺海異聞鯉有二種常鯉類鮓魚而小河海皆
產也海鯉身首差短歲二八月羣至數百騰於沙與
移時化為鳥俗呼火鵠是也海濱居民候其上也譟
而驚之化者纔十五鱗鬣全不開者不全化矣居人
饁者市者瀕海皆足互見卷五火鵠條下

黃魚 身扁薄多鰓多油醃食可口福州呼油鰲背上

無鬣者為紫鰭次之

比目魚 狀如牛脾紫色鱗細一眼爾雅名鰈不比不行正字通比目魚名版魚俗改作鰈段氏北戶錄謂之鰈鰈兼也吳都賦謂之鰈言相介也皆不比不行之意上林賦謂之鰈鰈猶鰈也閩呼泥鞋魚廣名鞋底魚臨海志名婢徒臨海風土記名奴屬南越志名版南方異物志名箬葉則皆狀其形蒼在海濱以此為常鰈緝者多單得乃受氣之偏非不比不行也八

通志比目江淮謂之拖沙魚俗呼為卑末魚

海中尚有側目魚側口魚又

有扁魚形極扁雙目好對對行凡池魚大者先行小者次之小魚好羣遊扁魚好對行

鰈沙 即貼沙一名龍舌俗呼草鞋魚色淡白有脊骨

無細鰈產於夏三山志鰈沙形扁性溫浙人呼為箸魚淮泗謂之鞋底魚以江中者為美閩書鰈沙魚形

扁而薄左目明右目晦昧又有鰈戩匣以形名無鱗

肉細

古稱此目魚為鰈為鰈為王餘魚云似牛脾今鰈沙絕似牛脾蓋誤以此目鰈沙為一魚也

鰮

字見閩中海錯疏及閩書

連江長樂皆有之似青鱗而少細骨

六月無北風少晡時則多產骨軟者佳以鹽水醃隔

歲發香味食之扶土詔安銅山之鯧在海旁嘔東洋
土尤為補脾閩人以此下飯不厭腥𩵿外省見者呼
為臭魚不敢近

鯧 又呼鯧鯧似鯧而無鱗醃法如鯧𩵿勝於鯧而香
減味遜尾硬者莖之名硬尾鯧又白麻鯧身扁薄淡
鯧味饗勝於白麻鯧圓鯧鯧體圓厚而多肉臺灣鯧
肉粗而價廉鯧鯧二魚用薄鹽炊之名曰熟魚鯧炊
者美鯧不及也單炊者美雙炊不及也長樂壺井江
田所產為多壺井李姓江田陳姓舉族皆以討海為

生其鄉富足諺云海水無門限言易富也壺井近亦
產鹽魚貨須陸行四十里至長樂縣河下裝載趕入
省會之大橋鄉頑以大魚聽魚客趕省

收魚裝篋以
者為魚客

熟魚等為小魚留為民食每於石尤嶺攔截

青鯪

據龍龕手鑑
鯪應作鯪

福州呼青鯪仔長不及三寸眼赤

鱗小色青生於首夏油煎有香氣煮之則鯉

過臘 屠氏海錯疏頭類鯽牙類鰕又類鯪肉微紅味

美尾端有肉口中有牙如鋸好食蚶蚌臘來春去故
名過臘按福州呼棘鬣以其鬣如棘也興化呼橘鬣

以其鬣紅紫也泉州呼髻鬣又呼奇鬣味豐在首首
豐在眼十月蒸葱酒尤珍又有赤鬣大於棘鬣

烏頰魚 似過臘頰烏首亦兩石相並蓋其腦也當於

大寒時取之按閩書金鱗此云金鱗指黃花魚烏頰石頭鱸首

皆有石諸魚屬火而金鱗烏頰石頭鱸與鯽魚屬土

可以療病

黃鰭魚 身小而薄其尾淡黃畧似過臘福州泉漳皆

產土人呼黃翼志多誤鰭為鰭

更多魚 又名雞母魚鱗細黃赤色夏多產秋冬間得

之泉州呼雞魚帶鱗蒸透去鱗煮麪或米粉其味清
腴烹者次之

方頭魚 即國公魚似過臘而頭方味勝之或呼芳頭
魚言其頭芳也凡魚一身有特異於他魚者其美多
在是

鯪魚 產鹹淡水長不盈尺濂浦螺州皆有之鱗薄身
長尾短而黃背上一鬣腹下皆刺兩鬣短而白兩鬣
黃而長鰓及於鬣按山海經敦水東流注于鴈門之
水其中多鯪鯪之魚食之殺人本草即鯪鮓也與鮭

同蒼按亦河豚之類其肝勿食

黃炙魚 似魴而小多鯁細鱗味似鱠魚惠安呼黃魚

蒼按黃魚江河湖湘皆有之黃尾之類皆小魚也惟

鰭大者二尺頰黃其膽春夏近下秋冬近上性浮而

善飛躍江東呼黃鰭魚或呼黃頰魚海不產

毒魚 臺灣呼獨魚惠安呼鱗魚按字書無鱗字大如掌色微

黑味似鯊魚其皮粗可磨木器諺曰春魴夏鱗秋冬

白帶乘風而來無船可載

白澤魚 即白爵福興泉漳皆產之海物異名記羣生

隨波潮縮在澤故曰白澤

福州呼水落為澤

黃爵魚 產臺灣疑即福州海產之黃雀魚色淡黃形如鰲味美在首

斑車魚 圓身細鱗黃質黑斑名海斑車閩書背上有斑肉粗味腴大者三四百斤腹中有肚其味更美蒼按斑車肚炒食脆乾之名菟魚肚大者二三斤愈大愈佳

江中溪中皆有斑車其肚小而不脆

訓鮪魚 板身多鰓而肥美異魚圖贊其美在額即鮪也爾雅鮪當鮪注海魚也說文鮪當互也集韻似鰩

而大鱗肥美多鯁即鱠魚異物志鱠魚鱠烏所化故
腹中有烏腎二枚蒼按訓鱠亦稱鱠魚至肥炙食鮮
美諺曰甯去累世宅莫去鱠魚額是也

麻蟲目 身長鱗細四鬐塏中所產夏秋尤多臺灣以
為美品

魴魚 又名鮓魚產臺灣鱗細脊腴味甘美春初由海
沿溪入內山其時長方徑寸每月長一寸至冬成尺
矣還自內山到海邊出卵而沒蓋飲淡水而成卵還
鹹水而出卵烏魚則入鹹水而放子後引子歸淡水

凡魚生淡水者味多腴生鹹水者味多豐生鹹淡水者味豐而腴 福州六七月間每有所謂風颭者亘二三晝夜諺云六月防初七月防半是也凡潮汐所至之處風颭亦至焉其地皆稱斥鹵八九月潮壯時恆至洪山橋上百里之下岐風颭亦至下岐下岐以上即有颭風亦與風颭不同下岐大江通海潮汐至者勢也舉凡下岐以內至閩安二百里無數山嶺潮汐雖不通風颭所至其下亦皆斥鹵所產之魚無論在溪在澗在池澤皆稱鹹淡水去海二百里以上其

魚迴異鯁草尤美

海鰕 形扁大口細鱗能食諸魚其肚尤美江湖所產者肉緊背有黑點與海異閩書鰕亦曰水豚鰕鰕也其體不能屈曲如僵鰕也其味如豚故名水豚蒼按溪鰕色蒼海鰕色黑爾雅翼曰皮厚肉緊特異常魚斑文鮮明者雄也稍晦昧者雌也凡魚雌雄不可辨者驗其兩鰓兩鰓點點者雄也魚病則鰓亦發白點海鱸 狀類海鰕又似海鰻而有黑子能食諸魚斫膾不鯁其肚尤美江河池澤產者肉細

海鮓

按字書無鮓字

色微黑形似草魚肉厚多油不論四時

隨潮羣至一漁得則羣漁皆得鹹淡水者名潮鮓以

暑月美凡海鮓潮鮓江鮓及池塘之鮓蛋腹中皆有

二圓孟脆美海人呼為胗

按字書無胗字

海鯽 骨鯽味遜於池鯽溪鯽而勝於江鯽湖鯽豫之

淇鯽為天下最酉陽雜俎東南海中鯽魚長八尺食

之宜暑而避風或云稷米所化故腹中尚有米色蒼

按腹內有黃褐色其油也亦可食

海鰻 身圓口小骨軟生鹹淡水味美本草鰻魚似鯉

身圓頭扁骨軟生江海淺水中吳都賦鮓鰒琵琶注
鰒魚如鯢長七尺蒼按水族皆多雌而少雄鰒魚為
最凡水居鮮無子魚蠻子之類狹不容身子如雁鶩
鰒魚風定見網即匿俟水有萍紋以撞緝撞之或以
破緹倒影使入海套潮退圍之

鰒魚

龍龜手
鏡作鮮

爾雅注鰒小魚也似鮓子而黑俗呼為

魚婢江東呼為妾魚蒼按鰒魚出甯德鼻在頭上土
人煎油燃釭而棄其肉與爾雅所訓小魚二物而同
名

鮓魚 色白身扁弱骨細鱗頭中白石二枚疑即諸書

所稱石首魚正字通石首魚一名鮓生東南海中形如白魚扁身弱骨細鱗頭中白石二腹內白鰓可作

膠蒼按鮓似鱸大者四五尺鱗細紫色無細骨肉粗

鮮魚 即午魚海錯疏鮮魚鱸之別種圓厚短臍味豐

興化漳州泉州皆有之閩書說文鰓魚名皮有文周

成王時揚州獻鰓則鮮當作鰓

閩書以鮮當作鰓不知何據

烏魚 似海鰩產臺灣身圓口小赤目細鱗似鮓魚冬

至前後盛出由鹿仔港始次及安平大港後至瑯嶠

海蛟

閩呼海蛟為海蛟

放子於石罅仍引子歸原港蓋如燕

之客而翼卵也冬至前捕得者為頭烏味肥美冬至後捕得者為回頭烏則瘦矣以其子成片用薄鹽薑之味豐漁人有自廈門澎湖伺其來時東渡採捕者鳳山縣水餉有採捕烏魚旗九十四枝蓋縣印豎船頭每枝徵銀一兩五分

鮎

史記貨殖傳鮎鯨千斤師古曰鮎海魚爾雅釋詁

鮎背疏老人皮膚消瘠背若鮎魚也鳥獸草木攷台鮎魚也生海中狀如蜥斗大者尺餘腹下白背上青

黑有黃文性有毒雖小獺及大魚不敢食之蒸者餒
之肥美今福清漳州甯德興化所呼鮓魚閩書云鮓
魚似烏魚而小身圓口小赤目細鱗味似鱖子月脂
膏滿腹尤佳一名鮓又名撥尾蓋鮓魚之小者八閩
通志子魚似烏魚而小冬深子盈腹其味尤珍三山
志子魚身圓鬣小冬深盈腹皆子者作鹹肥美可充
方物蒼按子魚似烏魚頭尖冬月脂膏滿腹漸欲盈
子者最佳至春放子則瘦而無味僊遊縣志子魚子
月肥而甘美故名相傳僊遊楓亭海濱有進入太平

港者額通三印可登俎王鞏見聞近錄蔡君謨以子
魚為天下佳味嘗遺先君多不過六尾所與者諫院
二三故人而已其見重如此

三山志稱作鹹可作方物信矣

彭大翼

山堂肆考王得臣塵史閩中鮮食最珍者惟子魚莆

陽迎仙鎮有通應侯廟前水曰通應溪潮汐上下鹹

淡水不相入

迎仙橋港即通海何以鹹淡水不相入

此處魚最民俗呼

通應為通印者誤也閩中海錯疏魴一名鰯一名鮐

以至子月肥極故云其子尤佳莆田迎仙橋下潭所

產極為珍味捫蝨新話仙遊

仙遊應作莆田

有通應侯廟其

下臨海出子魚甚美世呼通應子魚者記其所出也
荆公詩遂誤用長魚俎上通三印東坡又以通印子
魚對披綿黃雀此皆傳聞之誤蒼按子魚身小而圓
長冬月肥一種呼寒鰓亦可口福州冬月偶得者皆
指為鰓又有青魚似魴而差大又按海錯疏閩書皆
稱魴魚為鮐魚貨殖傳鮐紫千斤自非魴魚明矣蓋
海人呼子魚為胎魚言其小而肉細也鳥獸草木攷
稱其形如蚪斗亦不類

紫江魚也海亦有之說文紫飲而不食刀魚也又名

鯨爾雅鯨鰈刀一名劒又名蔑刀魚一名鱗李時珍
曰魚形如劑物裂蔑之刀故有諸名閩中海錯疏引
山海經云食之可以已妬又云與石首皆以三八月
出故江賦云鰈鰈順時而往還蒼按鰈出於夏子多
而肥海人呼刀身狹長如彎刀顚下有長刺如麥芒
其鰈微彎而利煎炙作鮓皆美入鍋則僵

蛱蝶魚 產臺灣淡水栩栩然蝶也

旗魚 又名破傘魚產臺灣色黑大者六七百斤小亦
百餘斤背翅如旗鼻頭一刺長二三尺極堅利水面

鰻魚如飛船為所刺不能轉動揚鬐鼓鬣舟即沈沒
胃背閒肉陷如溝鬐翅斂而不見忽而怒張如支雨
蓋故亦名破傘魚

鰻魚 又呼白鰻多鯁似鱗魚而薄小閩書鰻魚似鱗
亦多鯁鱗侈口而圓脊鰻狹口而劍脊二魚之美皆
在腴本草勒魚出東南海中以四月至漁人設網候
之聽水中有聲則魚至矣有一次二次三次乃止甜
瓜生者用勒鰻骨插蒂上一夜便熟蒼按海產之白
鰻出於春末至暑漸減其狀與閩書所稱鰻魚本草

所稱勒魚正合海錯疏所稱魴魚即與鮓魚同登之

鮓魚江溪皆產之三山志八閩通志及各郡縣志所

收水族多涸江海又按緹地海邊挂緹取魚之地互相傳買名曰緹地取

白鰓者以縑縑如簾小網也白鰓羣至而挂網醃者

分次故名鰓分白鰓全鰓二種白鰓鹽多市於遠不

姻不美全鰓鹽薄市於近易姻乃美莆田林氏以其

祖先鰓死歲取白鰓數尾陳於神前木棍搥醃之

鱮魚 鱮也即鰓郭璞曰鱮似鯉而黑蒼按鱮江產也

海亦有之大頭細鱮目旁有骨八閩通志聞書皆云

雌生卵雄吞之成魚其卵如鰾卵大青色無鱗無字乃細

字之誤首有枕去之乃不腥今福州呼松魚泉州呼成

魚惠安呼鰾魚者是也正字通鰾海魚肉如莖山海經食

水多鰾鰾之魚其狀如犁牛其音如鼃鳴諸書皆以此魚為供饌食故稱

之為鰾為鰾性好旅行故从與俗云網魚得鰾不如

噉如賤之也蒼按鰾鱗弱與鰾稍異凡魚孕子感氣

不同全形從牝異態從牡其皆無所從者則怪也如

魚腹出手之類海魚有圓身黑鱗四鰓縮尾目在項下口在項上者不知其名得者棄之

念鰾按字書無鰾字似鰾魚而味腴海魚之絕美者但鰾釣

罕得耳

鹿角魚 閩中記大者梓人用其皮以錯角海物異名
記芒角特戴在鼻小者醃為鮓味甚佳大者長五六
寸其皮可以錯角蒼按鹿角魚色蒼黝小者帶皮酢
之大者索然矣蓋味在皮也興化稱小者為鮓鮓按
李時珍本草引齊民要術云漢武逐夷至海上見漁
人造魚腸於坑中取而食之遂命此名言因逐夷而
得是矣藏器曰鮓鮓魚白也據此則魚腸魚鮓皆稱
鮓漳州臺灣福州皆產之

鸚哥魚 福興泉漳臺灣皆產之狀如鯉魚綠嘴似鸚

哥故名華夷考魚青綠口曲而紅似鸚鵡口蒼按閩海上有一種小鸚哥疑即此魚所化故畜者不匝歲

即殂

凡魚化之鳥
通時即死

龍占魚 尖口細鱗形如海魴大一二斤色紅四時皆有醃為齋味佳澎湖五十五島以此魚為上品

印魚 嶺海異聞印魚出南海中似青魚而修廣過之頭角中圻如解頤之嬰頸後垂皮方徑三寸許若道巾之披餘然上有黑文儼如篆描島夷間有獲者必

珍藏之不知其何謂也集韻鮒魚名身上如印類篇
鮒鱗魚名如篆一曰首象印吳都賦鮒龜鱗鰭注鮒
魚長三尺無鱗身中正四方如印扶南俗云諸大魚
欲死者鮒魚皆先封之蒼按印魚脊鱗形如鰭魚額
上有文如印章東坡所云通三印或指此凡魚無腦
者其首皆有兩石如齒而相並黃花魚黃鰻魚鮓
魚烏鰩魚石頭鱸之類是也凡魚首有兩石者其頭
骨皆現出三角如印者八塊或六塊即嶺海異聞所
謂頭骨半坼如解顱之嬰也謂之通印亦何不可城

陽縣南有堯母慶都墓廟前有一池魚頭間有印文
謂之印頰魚若非祀者捕而不得

連刺魚 俗呼連刺產於二三月似鯊仔但鬣上有一
刺兩鰓有兩刺耳亦鯊魚之別種

刺多 產澎湖首連於腹左右兩鬣尾短渾身皆刺其
勁如錐形圓如毬土人噓其皮為燈

海錄百一錄卷一

海錯百一錄目錄

卷二 記魚

海鰻

附土龍魚

海鱗

馬戩

塗魼魚

嘉酥魚

鮎

帶魚

附柳帶

魴魚

附鰭

錦魴

附泥魴

水沈

魴

黑魴

附牛魴

鱮魴

鮓

附鮓皮

鮓血

鮮魚

鮫魚

鱣魚

琵琶魚

楓葉魚

四破魚

白

鰩魚

日月魚

鯨魚

鰓魚

魷魚

人魚

美

人魚

海和尚魚

海馬魚

海豬魚

海狗魚

附狗

魚母

虎魚

燕魚

鶴魚

跳魚

氣魚

飛魚

鯨魚

關潮

墨魚

附明養

冬鯢

章魚

附紅

石拒

附赤母

瑣管

墨束

附猴藥

柔魚

附大脯明

銀魚

丁朱

鹹魚

沫魚

丁香魚

新婦啼魚

飼

子飯魚

蠓魚

螞魚

梭魚

銅盆魚

寸金魚

沙筋魚

青郎魚

獅刀

附花身金錢

紅紗竹梭

花鈴金梭

含西馬鞭魚

海錯百一錄卷二

侯官郭柏蒼萊秋輯

記魚

海鰻 諸書皆稱鰻鰻云有雄無雌以影漫鱧而生子

其子皆附於鱧之鬐而生故曰鰻鰻大者數十斤

諸書

所稱鰻鰻乃海鰻有黃鰻白鰻青者特巨而肉乖為

虛鰻非海鰻

膾遜於黃鰻鰻性猛

易壞也

手釣者鮮名曰釣仔理蚌

越宿取之名曰浮釣鰻吞鈎死水中其味腥凡海鰻

海鱒皆食螺蛤上釣時俱能齧人手足嶺海異聞鰻

鰻大者身徑如磨盤長丈六七尺鎗嘴鋸齒遇人輒
鬪數十為隊常隨盛潮陟山而草食所經之路漸如
溝澗夜則鹹涎發光舶人以是知為鰻鰻所集也燃
灰厚布所開路執鐮戟諸器羣謀而前鰻鰻循路而
遁遇灰體澁不可竄移時乃困舶人恣殺之皮厚近
寸食之美於肉也圖經鰻鰻似鱔是鮫蜃之類蒼按
鰻生於淡水玉篇云似蛇無鱗甲福州泉州漳鹹淡水
皆產蘆鰻身有花紋具兩耳形短於池鰻而肥過之
閩安鎮江岸有蘆葦之處產蘆鰻夜蟹蘆根盡入江
水巨者如梳味豐腴鄉頑以石截江亘半里如架屋

然以破網覆其上達激水勢使側流名曰流鰻隔蘆
鰻入隔水撞之不得出舟陷其中百無一生間有健
漢浮於網內鄉頑利其所有挾刀銃從網上斃以滅
口舟行有戒心謂之過隔閭人呼中計者謂之落隔
嘉慶初布政司燕南李殿圖拆其隔枷示海口道光
十四年總督欽縣程祖洛以強盜論殺二人程公丁
憂解任又有土龍魚生海泥中如鰻長尺餘味佳又
復砌

有油筋魚似鰻生海淖中長如筋周身是油味佳

海鱒 嘴尖色黑目赤與鰻少別鰻羣遊釣者魚貫而

至鱒獨遊閒有兩三尾入釣者故難得斯為膾極於

諸膾曝為齏味豐於鰻

泉州人呼鰻之黑者為鰻
鰻又呼獨狗魚即鱒也海

族志鱒似鰻目中赤色一道橫貫蒼按福州呼池鰻

溪鰻曰鱒鰻蓋二物而統稱也

廣韻鱒讀上聲今海濱亦呼上聲郡志

以江中所生者為壯鰻二物統稱又誤鱒為壯

詩九罭之魚鱒魴傳訓大

魚爾雅魴鱒郭璞曰鱒似鰻子赤眼者陸璣云鱒似

鰻而鱗細於鰻赤眼是也陸璣以鱒似鰻而鱗細益

州記云嘉魚細鱗似鱒魚蜀中謂之拙魚出丙穴二

書皆以鱒有細鱗鱒無鱗也二書乃互引之誤蒼按

池鰻皆雄海鰻海鱒皆雌以影漫鱧之說或指蘆鰻

未亦鰻鱒二魚冬至前後以紅糟和鹽風乾之或曝

為鮓皆美凡魚孕子魚男羣逐感氣亦如鴨雄先行

以翼點水母鴨羣咬其水則卵可抱之意異苑載諸
魚欲產鮎魚輒以頭衝其腹鮎欲自生亦更相撞觸
俗謂眾魚之生母山海經稱鮎父之魚是也

馬鮫

龍龕手鑑
鮫俗字

即章鮠

音

連江謂之章胡青斑色無

鱗有齒肉硬海魚之賤而不入品者又一種名闊腰

一種名青貫諺曰山上鷓鴣聲海上馬鮫鮎又曰油

鰲馬鮫鮎馬鮫虛負盛名耳

一云馬交似鱗無鱗有
斑春社生故名社交魚

塗魷魚

口闊身黑無鱗似馬鮫重者四五十斤冬春

尤美肥澤薺甘為澎湖海族之最臺灣亦產呼泥鱮

魚

按字書無鱖字

或曰即鱖魚

嘉酥魚

閩書嘉酥魚其味在脊出福清蒼按嘉酥魚

即馬鮫之大者重數百斤渾身文理皆自脊發日本國薨其脊味勝內地琉球所市者是也凡海產皆大
洋勝於各灣

鮎 說文鯪也爾雅釋魚註鮎別名鯪江東呼鮎為鯪

本草圖經鯪背青而口小者名鮎三山志鮎大者長

尺餘無鱗方言呼為鯪魚

諸書引三山志皆作池魚池鯪傳寫之誤

蒼按

海鮎即鯪兩目上陳頭大尾小身滑無鱗多涎謂之

鮎魚言其黏滑也鯪鰕鰾稱無鱗魚食之不益人俗云鰕魚登竹以口銜葉而息於竹上諺曰鰕魚上竹是也或曰口腹俱大者曰鰕背青口小者為鮎口小背黃腹白者名鮎有黃鰕魚與鰕相類但鰕白而彼黃爾嶺海異聞鮎魚每沙際佯不動海鼠以為彼失水且死齧其尾鮎魚轉首嚼之從水去

帶魚 身薄如帶長至三四尺闊至三四寸銳口尖尾僅一脊骨無鰓無鱗皮白積鰓如膩海濱呼大北風為惡風諸魚皆匿獨帶魚上釣故泉州興化呼惡魚

臺灣呼銀刀小者名帶柳即蝦鮮帶在蝦鮮中挑出也肥厚者鮮貨之醃者裝載上游其市最廣閩中海錯疏云帶冬月最盛一釣則羣帶銜尾而升故市者獨多或言帶無尾者非也蓋為帶相銜而尾脫也蒼按帶身長好魚貫故釣帶者多截帶尾為蚌一釣偶得兩三帶醃帶者畧刃其尾使鹽力易透重刃則尾斷所云相銜而尾脫非也帶魚初上漁者罕得集數家而醃之前後需時魚不鮮故味遜至釣多則各漁隨得隨醃自成筐篋名曰網仔魚鮮故味腴凡以緹

釣為生者曰討海所得之貨曰海水專候風信故有海水好呆之語凡海面微雨不波日暖風和羣魚上遊唼水曝鬐或乘陰曠欲雨海氣上蒸諸魚唵喁水面急載網罟則海水好陰雨晦明狂風吼激或乾風不雨名曰風癡則海水呆春暴畏始冬暴畏終南風多閒北風罕斷南風舟從南北風舟從北之類謂之上風此雖舟訣亦漁訣也凡魚肥則油厚而孕子油性浮故魚肥則目矇哄而上浮易於觸網是以及時而得者魚皆肥非及時也魚肥始易捕耳失時而偶

得者魚多瘦非失時也未及肥也又魚病乃避地氣
怯深流上游不息卒以勞死海魚重數千斤者恆登
岸自斃職是故耳

魚將死必曝日反其性也

何以郡縣志載巨魚

登岸自死為祥異

魴魚 或呼魴魚音之譌形如櫛葉無鱗身扁闊而多
肉尾上圓而末銳氣味陰穢產於春末極於秋初種
類亦雜有黃白黑三色黃者並肝煮酸菜勝於白者
白勝於黑作鱖可遠市價亦賤諸書皆稱魴魚之美
在肝但多食令人頭暈說文訓魴為赤尾魚陸璣疏

廣而薄皮恬而少力皆不云魚勞尾赤說文所訓魴
魚即與海中魴魚之狀合故閩人多誤魴為魴魴鰻
也海無之蒼按閩江之魚惟鰲胎生海魚則鰲魚結
仔之類多胎生海人云魴魚亦胎生數十年所見魴
魚無論大小腹無子囊亦無魚胎殆數百斤方孕魚
子凡四鰓魚多胎生人魚牛魚之類是也又有鰈魚
似魴而鼻長亦魴族也

錦魴 即黃貂似燕而嘴尖身有花點大者四五百斤
泥魴 掃帚魴 水沈魴 皆鰈穢不及也

黑魴 魴魚之最小者海族志形如團扇口在腹下無
鱗軟骨紫黑色尾長於身能螫人蒼按即燕魴肉潤
但味如積溺耳又牛魴色黃黑

鱮魴 亦魴魚之絕大者背厚尾長重二三百斤

鮫 一作鮫俗作蚱又作蛇一名海蜇即水母也

三山志亦

稱乍魚異苑名石鏡夏至時海漚所結有淡色白色二種海面

日烈時雨迸之則多結無雨則產缺諺云四月八一
晡雨一蒲鮫閩人呼暑雨挾霄者為晡時雨呼物之
聚結者為蒲言夏至前後一點雨得一蒲鮫也鮫本

海物時或浮於江海之交蝦聚腹背而啞其膩故曰水母目蝦漁者以洗釣撈得而層刃之

釣之多者

其凝

結而白者曰鮫皮腹下臃腫肥滯而紫黑者曰鮫跂

周圍比附如懸絮者曰鮫鰓皆以灰礬和薄鹽壓去

其汁腹中無腸形如敗芝而渣滓者曰鮫血豬油薑

豉炒亦美品市稱鮫血乃鮫鰓之偽福州呼蠹子為

鮫譏其無眼耳鼻舌任人作為也海人掘坑盛鮫酒

以醃蟻以鮫酒漬帶魚則鹽省而味澀謂之灌鮫酒

新鮫單礬多滴者名水鮫其值賤雙礬逾年始貨者

名座戶其值貴嶺表錄異以水母有足無口蓋口藏

腹下畧與鰲同

節錄宋沈與求錢塘賦水母詩出沒沙嘴如浮瞿復如緇笠絕兩纓混沌

七竅俱未形塊然背負羣蝦行又云藏納眾污無滿

雙睛乃能接跡蚌與埋亦猶巨

蟹二體并可謂善狀善喻矣

鮮魚 海族志背有肉二片乾之名金絲養形味俱類

鯊魚翅閩書亦云背有肉二片乾之名金絲養蒼按

今海人呼金絲養者其形如斧上廣下殺黃黑色即

黃鯊烏鯊之類氣味與鯊魚所變之鹿同

鮫魚 又名水鮫即龍頭魚福州呼油筒形如火管無

鱗而多油海魚之下品食者恥之醃市每斤十數文
貧人袖歸近釐金鹽價皆數倍油筒每斤五六十文
閩侯閩清商為南路幫例於城廂市售每鹽一斤十
一文同治五年南路商楊鼎成向鹽法道沅陵吳大
廷稟請起價今市售二
十文鹹醃自此倍責 閩書鯪魚廣人呼為綿魚浙
甯人名為新鯪大者長尺餘如灰管亦名火管鯪浙
東以風之謂之風蟬

鱖魚 又名鍋蓋魚形如笠又似大荷葉重百餘斤口
足尾俱在腹下目在額上尾長有節能螫人見江賦
即閩海濱所稱鼎蓋魚

琵琶魚 諸書皆云口在腹下目在額上尾長蓋誤以
琵琶魚為鱖魚也按閩書琵琶魚身狹如琵琶身狹
則非鼎蓋魚明矣吳都賦鮫鮪琵琶註會稽琵琶魚
無鱗形似琵琶述異記海魚千歲化為劍魚一名琵琶
魚形如琵琶而善鳴因以名焉其說無稽

楓葉魚 海物異名記海樹霜葉風飄浪翻腐若螢化
厥質為魚據此則指為楓葉所化蒼按海邊秋後有
三尾魚似葵葉扁薄浮泛無知識無血鯉或呼扁魚
疑即楓葉魚

閩人呼楓樹為扁模
楓葉似葵當即此魚

四破魚、似鯢而無鱗惟喜火光產臺灣大武崙至三
貂一帶昏夜張罾於船以小艇燃炬為導羣魚望火
躍入罾中福州興化海中亦有望火結墜而來聞有
飛入棹中呼之為火魚以其多也又呼之為夥魚
白鰮魚 形圓薄類錢又名金錢鰮福州泉州皆產
日月魚 頭分兩儀身列八卦江亦產之亦七星魚之
類食之害人

鰕魚 長七八寸骨柔無鱗類錢之半具五色文三山
志唐李柔入閩稱鰕魚為銀羹水母為玉膾

鰓魚 青白二色肥大數百斤其肉柔腐不受釣亦不入饌以膏燃釭味羶羅源甯德為多諸書皆以鰓為鮎鮎小鰓大誤矣

鰓魚 即鰓魼本草黃鰓魚一名鰓魼無鱗埤雅鰓魼魚其膽春夏近上秋冬近下蒼按鰓魼魚身尾似鮎腹黃背青口小腮下二橫骨兩鬚羣游作聲軋軋然諸書皆曰一名黃鰓魚又名黃鰓魚又按陸璣疏云鰓一名黃鰓魚似燕頭角身形厚而長大鰓骨正黃魚之大而有力解飛者閩海所產鰓魚不聞能飛能

飛者飛魚燕魚鰩魚耳飛魚燕魚鰩魚鰩魚鰩骨又非正
黃其類既多難以辨別詳上鮎魚條下三山志黃鰩
魚一名魮魮無鱗似鮎而小腮邊有刺能螫人其聲
魮魮然

人魚 人首魚身色白能行水面甯德土人取其油以
燃燈不易消耗山海經休水北注于洛中多鯀魚狀

如蜚蜚

稱猴之類

本草鯀魚四足黑色即人魚又名孩兒

魚啼聲如孩兒山海經即翼之洋其中多赤鯀其狀
如魚而人面其音如鴛鴦食之不疥是人魚有黑色

赤色非白色矣嶺海異聞人魚長四尺許體髮牝牡人也惟背有短鬣微紅耳間出沙汭亦能媚人舶行遇者必作法禳厭惡其為祟故也昔人有使高麗者偶舶一港見婦人仰卧水際顧髮蓬短手足蠕動使者識之謂左右曰此人魚也慎毋傷之令以楫扶置水中嘆波而逝蒼按凡魚四翅者多無鱗其名不從人即從畜人魚無手足嶺海異聞以為能媚人真異聞矣粵西有印孃魚能登陸與諸雄交

美人魚 人首魚身無鱗鰭下微紅稍具穢狀福清江

陰連江各灣偶有觸網則海水不利輒棄之

海和尚魚 色赤身首皆人形四翅無鱗鱖者以爲不

祥嶺海異聞海和尚人首鼈身足差長而無甲舟行
遇者率虞不利弘治初廣東督學僉憲淮陽韋彥質
先生將視學瓊州陸至徐聞方登舟此物升鷁首而
躡舉舟皆泣謂有魚腹之憂議將讓之先生方嚴人
不敢白也詰旦抵瓊留十許日試士都畢泛海而還
若履平地後遷福建憲副考終於家語曰妖不勝德
蒼按草木子邵子陸生之物水中必具

海馬魚 形似馬而四翅頸有鬚得者棄之

海豬魚 長樂福清連江皆有之莆陽呼海豕首似豬皮如青苔無鱗毛肉淡紅如豬肉而多油有得則村人爭買相傳食者解諸瘡毒煎其肉皆膏也生瘡瘡者以此調藥江賦稱海狶是也

海狗魚 頭似狗尖尾四翅又狗母魚長尺許有細刺肉粗劣

虎魚 頭似虎產臺灣白水亦有之海極深處水黑次則蔚藍次則五色如慢極淺則白故於白水徵魚稅

名曰零餉孫元衡詩清流環靛戶白水散零人臺地
漁者出海最忌麒麟暴麒麟暴者麒麟過山也風中
挾火竹樹皆焦漁不及防即有覆溺之慘相傳虎魚
出有暴詩終風且暴暴大風也易風從虎虎魚虎屬
燕魚 即海燕魚色黑酷似海燕有兩肉翅能飛走泥
上但身長於燕耳臺灣出者重十餘斤

鶴魚 首喙酷似鶴燕鶴二魚甯德人恆乾之以為玩
跳魚 一名彈塗泉州漳州呼花跳福州呼江犬又呼
跳跳魚產鹹淡水大如指肉細味清腹有黃子尤勝

先用湯熟以淨水去其著膩垢膩薑豉笋絲作湯海
物異名捷登若猴又名泥猴閩書彈塗大如梅指鬚
鬣青斑色生泥穴中夜則駢首朝北按僊遊縣志載
超魚兩目相連於額上身有斑點每尾極大不過一
兩超魚即跳魚音之偽詩鱮鱮之鱮訓為鮓性善沈
跳魚性善浮餘皆與鮓魚同鱮生於春跳魚生於夏
時亦稍異福甯鹹淡水所產白頰似跳魚但色白耳
氣魚產臺灣如龜如蜎駝背魚也大者尺許小者寸
許游泳如常魚有觸則鼓氣磔刺又名刺龜土人空

其腹為燈蒼按氣魚河豚之類以口噓之亦能翕張
非觸物而怒也

飛魚 頭大尾小有肉翅善跳連躍十餘丈福州呼鮮
魚吳郡賦文鯨夜飛而觸網是已臺灣呼飛藉魚蒼
按飛魚有兩翼傳為沙燕所化漁船懸燈則投光撲
面船力不任急滅燈亦稱燕子魚又名海燕魚

鰩魚 魚身鳥翼大尺許翅與尾齊羣飛海上有大風
漳州甯德多見蒼按說文文鰩魚名山海經觀水西
流注于流沙其中多文鰩魚狀如鯉魚魚身而鳥翼

蒼文而白首赤喙以夜飛其音如鷺雞

關潮 八閩通志閩書皆云乘波霧集故名海人呼關潮身長色青無鱗內海外海風浪濛霧漁者緹者皆罷釣息網故此魚難得

墨魚 素問稱烏鰂說文鰂鰂魚名諸書亦稱烏賊鰂賊音之譌爾雅翼寒烏入水化為之烏鰂有卵非烏化也閩大

記烏鰂性嗜烏每浮水面俟烏下啄則卷而食之烏鰂口小不能食烏二書皆因烏賊而曲為之說今海濱皆呼墨魚重不及斤渾身白如硬玉兩鬚八足皆聚於口腹

中有煙如墨又有一黃如鵠卵者曰墨魚鮓乃鰮也
一圓如鵠卵而差扁者曰墨魚蛋乃子囊也剔之疊
疊如鰮蛸鰮蛸蟲腹之孕子者種類甚多凡螳螂之屬母蟲子滿雄蟲絲網其腹使緊黏樹枝而嚙其身首冬蟲枯死子囊借樹枝之生氣及時子咬囊而出獨在桑枝者曰桑鰮蛸得桑枝之氣可已風疾驗墨魚蛋形如鰮蛸剔之亦疊疊然近醫家烏鰮丸用海鰮蛸治婦人血崩又海鰮蛸治婦人水戶嫁痛皆誤以墨魚骨為海鰮蛸幸其性相同遇他魚故不害人醫書烏鰮骨與海鰮蛸本分為二則嘆墨以迷之漁者見沙圳水黑即舉網鰮雅烏鰮八足絕短集足在口縮喉在腹懷板含墨每遇大魚輒嘆墨觸涸其波以達害若小魚蝦過其前即吐墨以致之網時亦施此技不知其已在網中也其墨可作字逾

時則迹滅其骨雪白輕剝形如小舟入夜有光本草
烏鰂鹽乾者名明養淡乾者名脯養與閩語同閩小
紀墨魚一名算袋一名烏鰂一名海鰭綃相傳一胥
吏醉歸陸海周身悉化為異物此其招文袋也所垂
白帶宛然浮游海面有物觸之輒吐墨自覆人反得
因其墨而迹捕之愚矣用溼紙層層裹之敲細稻稭
火煨之香熟可啖蒼按今海邊上縵者煨之輒轉即
腥臊矣亦有作鮫以遠市者裝載甚廣

冬鰂 身似墨魚而稍圓故稱鰂色如墨魚而稍紫始

產於冬故名冬鯢鮮者沃以薑豉炒食或熟之拌香糟黃韭

章魚 一作鱻魚閩書鱻魚一名望潮魚紫色腹圓有腹無頭頭在腹下多足而長又云口上有圓文星聯凸起腹內有黃褐色質如卵黃有黑如烏鰂墨有白粒如大麥味皆美蒼按鱻魚生塹中有小穴通氣尋而掘之乘其未斃以瓦礫磨其通身使縮小則魚腦存而味足尤美閩書所稱黃褐色者即腦也甯德羅源皆有之福清海口鎮東連江東岱小埕尤多暑不

能至則熟之傅以鹽糖香糟亦美品榕城內外連江
棧間有市者又有一種足短者曰紅舉亦名章舉韓
昌黎南食詩章舉馬甲柱鬪以怪自呈所云章舉是
也興化呼章舉之大者為土婆

石拒 無鱗亦無皮渾身雪白畧似章魚而煙薄於墨
魚閩中海錯疏石拒似鱗而極大閩書石拒一名八
帶大者至能食豬居石穴中人或取之能以足黏石
拒人蒼按石拒生海潭中性寒海族之最怪者頭似
兔而無口眼項長眼在項上一鼠形如籜萐負於項

後口在腹下有牙如蟻螯腹扁薄只一黑者乃其肝也。渾身飄出七條如帶其長視身二倍有奇每帶星星傑起斜列如圓盂者或百三四十或百五六十愈大則傑起者愈多另有一帶稍短者在項下其文亦如七帶故泉州臺灣皆稱八帶計八帶凡列圓盂千數百視之無隙如牙齦能着石吮海苔人或取之則八帶着石屹然不動漁人赤身入水則八帶糾纏着體師人血脈漁者欲生得乘其不覺掖之而出或聯大小竹筒理蜆其中石拒聞蜆穿入不得進退斃於

筒中赤者名赤母大者潮退仰曝塹上豕涉流咀之
被嚙相提而豕斃矣

瑣管 腹中有煙如墨魚而皮畧紫其管瑣瑣焉似足
非足氣通於管重不越二三兩鮮炒香油黃韭蒜亦
美品以鹽醃過冬發而食之調以酒或醋閩人恆以
鹹齏下飯瑣管蝦蛋鯿鯪土苗五者為鹹齏之最
墨束 即墨斗似瑣管而小皮紫白亦能吐墨醃法如
瑣管味尤勝又有猴染大於墨斗小於瑣管

柔魚 亦作鯨魚似墨魚皮微紫諸書皆云無骨蒼按

有一片如瑇瑁者即其骨故曰柔魚以豬油鮮炒味
豐乾之可達到不及日本至者為美火炙揉為絲尤
美又有作鱖而重一二斤味如墨魚者曰大明脯乃
大墨魚非柔魚以微火煮豬肉補水

銀魚 閩書其色如銀一名膾殘一名王餘爾雅翼王
餘長五六寸身圓如箸潔白無鱗但目點黑博物志
吳王食膾棄餘中流化而為魚今猶呼膾殘魚也泉
州漳州皆有之三山志銀魚口尖身銳如銀條作鮓
尤美

丁朱 形扁似魴魚產晉江惠安海面

鰻魚 閩書大小形狀皆同銀魚但喙尖有一小黑骨

如鍼為異泰山經云其狀如鯁其喙如針

沫魚 土人呼白沫立夏後時雨旭日所結閩書梅雨

時海水凝沫而成雪色無骨其大如筋無子種蒼按

沫魚以油微炸美作羹則味饗

泉州西溪產文昌魚細如絃曬乾越文昌

誕則滅邵武越陽溪產地花魚長二三寸無骨味美

桃花開時僅止一候即滅福州五虎山麓春末鱖魚

汶子暑天子大長寸許扁薄以油微炸夾光餅美品

也離山影則無之南平縣之鯉潭產鯉魚背青口小

越莊武王廟前後則無將樂縣西楔村產鱖魚即鱖

類重數十斤越西楔則無此數魚蒼皆啖之蓋隨地

氣而生也

丁香魚

產於清明後似白小無子種鮮者為醬薹食

者愈小愈貴愈大愈賤白者味遜微黃綠眼紅腹者勝剝蒜辦雜之則久不壞榕城呼童子之無用者為

丁香魚言其越大越不值錢也

丁香魚之白者乃大鱸魚不鮮故味遜

新婦啼魚

產臺灣海東札記狀鮮肥熟則拳縮命名

以此

飼子飯魚

無骨可和飯飼幼子臺灣最多

蠔魚

閩中記生蠔中食蠔豐肉少骨

蠓魚 八閩通志大者長五六寸白質黑文味美少鯪
梭魚 閩書似蠓魚稍大如織梭豐肉脆骨蒼按梭魚
似江河中之苦條而味勝之

銅盆魚 出福甯形如比目魚能鳴以其聲名說文鰓
虛鰓也上林賦禺禺鮐鰓註鰓鰓魚也似鮐有四足
聲如嬰兒正字通鰓即今福州銅盆魚蒼按銅盆魚
形扁色紅鱗大骨鯁宜加蒜蠔食

寸金魚 色黃八閩通志寸金魚色黃長寸許出甯德
縣七都

沙筋魚 長尺餘其狀如簪又名土釵嶺表錄異云生
海岸沙中春時吐苗其骨白而勁可為酒籌

青郎魚 似海鱸身長有齒如鋸能嚼螺蚌互見卷三
蚶條下凡魚口有齒者必嚼螺蚌鰓有刺者必虐他
魚有齒之魚味多豐有刺之魚性多毒

獅刀 形如刀花身紅紗花鈴金錢竹梭形長如梭金
梭赤色含西皆臺海白水雜魚

馬鞭魚 即鮓魚集韻海魚形似鞭鞘本草鮓魚腹似
馬鞭尾有兩歧如鞭鞘故名

福州海魚自長樂福清連江甯德至者稱外港餘
稱本港昔人以暑天易姻偶亦夾冰赴市近夷人
貨冰外港本港皆得滿載停泊大橋陸續入牙人
不勞而利倍冰水齷齪寒氣凝滯頻年七月至十
月吐瀉即斃傳為冰魚之患姑記於此以證來者